

Վագները Երեւանում անց է կացնում մի քանի շաբաթ (էջ 62), որ բաւական միջոց էր՝ ուսումնասիրել կարենալու քաղաքը եւ շրջակայքը:

«Ամէն օր ես սովորութիւն ունէի պտոյտներ դործել քաղաքից դուրս եւ միշտ էլ առիթ՝ շրջելու քաղաքի տիրատես փողոցներում եւ հրապարակներում... Բնութիւնը ընդհանուր առումով շատ ամառի է եւ քիչ գրաւիչ»: Միայն հեռում երկարաձգուող լեռներն են սփոփում դիտողի աչքը:

Վագները զարմանում է, որ Երեւանցիք փոխանակ քաղաքի շուրջը եղած առատ քարերից տուն շինելու, կաւից են շինում («նոյնն են անում եւ պարսիկները»): Տաճկական քաղաքները — Էրզրում, Տրապիզոն եւայլն — այդ տեսակէտից անհամեմատ բարձր է համարում Պարսկաստանի եւ Հայաստանի քաղաքներին:

«Ընդհանուր առումով՝ Երեւանը խզատացել է եւ ընկել», Ռուսիոյ տնտեսական քաղաքականութեան պատճառով: «Այն ժամանակից սկսած, երբ Ռուսաստանը իր երկզքիսանի արծիւր մինչեւ Երեւանի հովիտը ստալացրեց եւ իր տիրահոգի մաքսային սիստեմը անդրբլիզկասեան նահանգների վրայ ծաւալեց, այդ ժամանակակից սկսած էլ՝ այս երկրամասի տրանզիտային առեւտուրը, որ առաջ ծաղկած վիճակ ունէր, բոլորովին քայքայուեց», «Պարսկաստան-Վրաստան ճանապարհի մէջ տեղն ընկած լինելով՝ Երեւանի իջեւանները (Բարվանսարները) մշտական եռուզեռի մէջ էին (առաջ) բազմաթիւ առեւտրականների ու քարվանսների շնորհիւ: Բեռնատար ձիերը շարունակ խրխնջում էին քարվանսարներում, ուղտերը մանզում՝ ընդարձակ — այժմ ամառի ու մեռած — բակերում առեւտրական իջեւաններին: Ծուկան (բազար) լի էր սպրանքներով, շրջակայքի գիւղացիները վաճառում էին այնտեղ իրենց կենսամթերքները լաւ գններով: Իսկ ով որ գրաստ ունէր, հէնց դրանով էլ ի վիճակի էր լաւ փող վաստակելու... Զարմանալի չէ ուրեմն, որ — հակառակ կրօնական ատելութեան եւ տխուր յիշողութեանց սարդարների թոնապետութեան մասին — շատ քաղաքի հայեր փախազում են, որ

կրկին յետ դայ պարսկական տիրապետութիւնը» (64-65):

Վագները շրջելով Երեւանի շուկան, անձամբ տեսնում է խղճուկ վիճակում: «Չուրկը փնտռէք դուք այդտեղ տեղալատուկ վաճառքի առարկաներ, որ այնչափ շատ կան Պարսկաստանի եւ Տաճկաստանի առեւտրական խոշոր քաղաքներում: Փոքր Ասիոյ ամէն կարգի գեղեցիկ ու փնտուռող սպրանքները ներկայիս Թաւրիզ են ուղղում, որի առեւտրական նշանակութիւնը զգալիօրէն աճել է՝ Թիֆլիսի ու Երեւանի հաշուին»:

Իր շրջազայտութիւնների միջոցին — ըստ երեւոյթին Արտվեան միշտ էլ հետն է եղել, թէեւ Վ. ամէն անգամ նրա անունը չէ յիշատակում, բայց յոգնակի խօսելուց երեւում է այդ — Վագները այցելում է նաեւ Երեւանի մզկիթը: Այդտեղ, մի բացդուռ սենեակում, ասում է նա, շիա մոլլան դպրոց էր պահում: Նա երեխաներին սովորեցնում էր թաթարերէն եւ «նրանց հետ միասին կարդում էր արաբերէն Ղորանը, որն ըստ երեւոյթին ոչ աշակերտներն էին հասկանում, ոչ էլ ինքը»:

Վագները մանրամասն նկարագրում է (էջ 67-78) Երեւանի բերդը («սարդարի պալատը»), ուր եւ իջել էր նա Փոն Գիլի մօտ, սրա հրակէրով: Որչափ եւ հետաքրքիր է այդ ու պատմական տեսակէտից կարեւոր, անկարող ենք կանգ առնել նրա նկարագրութեանց վերայ: Հետաքրքիր ընթերցողին ուղարկում ենք անմիջական աղբիւրի մօտ: Որպէս բերդ, այդ անուանն իսկ արժանի չէ սեպում գայն Վագները: Այդ կարծիքն են յայտնել նրա մասին նաեւ ուրիշներ:

Մասնակի հետաքրքրութիւն ներկայացրել է բերդի ներսը, իր գեղարուեստական մանրանկարներով ու կառուցութեամբով, ինչպէս նաեւ սարդարի պարտէզը: «Ֆերդը հիմնուել է ուշ, 1582 թուականին, տաճիկների ձեռքով, որ եւ առնուել է պարսիկներից 1615-ին»:

Այդ երկրամասի, ինչպէս նաեւ Ատրպատականի, Գիլանի եւ Մազանդարանի մահմետական տարրը, թէեւ լեզուով ու ծագումով ցեղակից է տաճիկներին, բայց միշտ էլ զէնքը ձեռին ու աւելի մեծ ուժով քան պարսիկը, կուռել է տաճիկ դէմ, որովհետեւ շիա է ինքը: